

բը, մեծ շուքով, պիտի անցնի փողոցներից ողջունելու համար Հայաստանի ազնիւ քաղաքացիներին :

Երեկոյեան Կրկէսի բացումը :

Գալա :

Ձեռննուած նորութիւններ!!!

ԽՈՁԸ!!!

Այդ խոզը առաջնակարգ արտիստ է, շատ մարդկանցից աւելի խելացի : Ամէն բան հասկանում է, ամէն բան անում է : Կլօտններ, ձիեր, դժոխային մօտօսիկլիստ, տրապէզ եւ այլն .

Ճոխ բուֆետ կրկէսում

Մատչելի գներ

* * *

Կարմիր այս թղթերը վայր էին ընկնում ձիւնի վրայ եւ յօրանջող փողոցին տօնական տեսք տալիս :

Երեւանցիները կարդում էին, խումբ-խումբ կանգ առնում, խօսում, ծիծաղում, մեկնաբանում :

Գարաչըման է՝ Հայաստանը երբե՛ք կրկէս չէր տեսած :

* * *

Ժամը չորսի մօտերը Կոնդի կողմից չոր հով էր իջնում Խորհրդային մայրաքաղաքի վրայ : Չնայած դրան, բազմաթիւ քաղաքացիներ՝ դիտակից եւ անդիտակից՝ Ժողովուեկ էին մայթերի վրայ եւ անհամբեր սպասում էին խողին :

Գիտակից քաղաքացիները աշխատում էին իրենց մեկնաբանութիւնների մէջ օրուան դէպքին ընկերաբանական խոր իմաստ տալ, տընտեսական եւ մարքսիստական ինչ ինչ ազդակներ էին որոնում, պատմական դիալիկտիկան բերում խառնում էին մօնիստական աշխարհահարեացքի հետ : Յեղափոխութեան նուաճումները այնքա՛ն մեծ էին, որ խոզերն իսկ սկսել էին դիտակցել :

— Այո՛, եւ ինչո՞ւ խոզերը չպիտի դիտակցէին. դա ի՞նչ հնամաշ նախապաշարունակներ են... Խոզը եւս մարդ է, այսինքն՝ եթէ կենդանաբանական տեսակէտից վերցնենք, սեֆ-լեքսների օրէնքի հիման վրայ, մարդը եւս խոզ է : Տրոցկին մի տեղ ասում ա...

Անդիտակից քաղաքացիները Փանտաստիկ բաներ էին պատմում :

— Կայարանում երբ խոզը զննացելից իջեցրնում էին՝ մէկը տեսել ա... Խոզը խոզ չի, այլ հիպօպոտամ : Հիպօպոտամ՝ մը ինչ է... Ասում են, մեր մէջ մնայ, անդլիացիներն են դրդել, մի տեսակ ծպտեալ կենդանի է, հակաբոլշեւիկեան պրոպագանդի համար : Հը՛, իսկի՛ էլ չէ, որովհետեւ խոզ չի, այլ մի տեսակ ուղտ, որ ուուներէն է հասկանում : Մարդը իր ականջով լսել ա՛ խօսում ա...

Անկեղծօրէն հետաքրքրուածները ժողովրդի կանայքն էին եւ երախաները : Լուռ, միշտ էլ զարմացած, ներքնապէս տարակուսանքով լեցուն, տեսնելու ծարաւ :

Չեկայի անդամները շրջում էին, ականջ դնում :

Յանկարծ, Պետական Թատրոնի առջեւ կանգնած խմբերը սկսան դէպի վար վազել : Թմբուկի եւ բորոզանի ձայն լսուեց : Ամբողջ փողոցը շարժուեց : Գալի՛ս է, գալի՛ս է, ... Չնայած ցրտին, պատուհանները բացուեցին, պատշգամները լեցուեցին : Վարը, փողոցում, ամէն մարդ վազում էր, ցատկելով, հրմշտկելով, շունչը կտրուած : Յետ մնացած պառաւ կանայք աղմկով շրկեցնում էին իրենց փափուկները, երախաները վայր էին ընկնում ու լալով վեր բարձրանում եւ վազում :

Շուկայի կողմից խոզը գալիս էր :

Շքերթը առաջնորդում էին երկու հուպիտներ : Լայն, ծունկերի առջեւ կանգ առնող տաբատ, սրածայր դիւարիկ, ճերմակ փոշիով ներկւած երեսներ, յօնքերը եւ աչքերը սեւ ներկով դժուած, նրանք ծամածոութիւններ էին անում, բորոզանի մէջ փչում, թմբուկ դարնում : Նրանց ետեւից գալիս էին մի քանի հողի կրկէսի լարախաղացների եւ ըմբիչների հագուստով : Մեծ մասամբ յաղթանդամ մարդիկ էին՝ թեւերը բաց, ուժեղ մկաններով, լայն ուսերով եւ փոքրիկ դիւրով :

Ու ահա խո՛ղը, օրուան հերոսը, մեծ արտիստը :

Խոզը պարզապէս խոզ էր : Ահագին մի խոզ, ճարպի եւ մսերի մէջ կորած, կարճ ոտքերով, երկայն դունչը վար կախած, չինացու փոքրիկ աչքերով, կարմրամարմին, փայլուն, ականջները վեր տնկած : Ուրիշ մի հուպիտ նրատեւ էր նրա վրայ՝ ոտքերը վեր բռնել, որպէս-